

*indexed*

0-15

'tsena ke litaba tseo ke li fumaneng ho motho e

*1/2*

mong e moholo o bolela tsa ha ho theoa motse o mocha.

91

O re mehleng ea khale ha ho no ho theoa motse o mocha ke hore ho ntsoa ngoana morena motse a fuoa batho bao e leng ba hae bao a tla sebetsa ka bona, bao a tla tseba ho itsireletsa ho lira tsa hae ka bona, taba ea pele ho no ho khethoa sebaka seo ngoana morena a tla aha ho sona 'moho le batho bao ntatae a tla mo fa bona. Joale o re nakong ena batho ba ne ba tsamaea habohloko ka ha joale ho batliloe ngaka hore e tiise morena ea beoang ke ntatae holima batho ba bang ba hae. Batho ba ne ba tsamaea hampe ka ho tsoha le ho tsaba ho hoholo hobane ngaka e itse ekare ha motse ona o tla tiea o be matla le eena morena a hlompheoe a ratehe pela batho ba mo tsabe ba mo utloe hang ha a bua, e ka khona e sebetse ka sebetse se secha sa monna kapa mosali. Mefuteng ena kaofela ho no ho bolaoa batho ba liboko tse peli, Bafo-keng kapa Bahlakoana. Batho bana ba ne ba bolaoa tjena.

2. Morena ea beoang o na a laeloa ke ntatae ho khetha bahlankana ba laeloe hathata hore ba tsamae ho be le moo ba ipatang, ha ba bona motho, ho ee a le mong e le hore motho eo a tle a se ke a ekeloa hore ke sekoeta ke hore motho ea bolaeang batho, Bahlankana bana le banna bana ba ne ba bitsoa ka lebitso la likoeta. Joale he o tla lumelisa moeti a 'motse bophelo, ha a qeta ho 'motsa tsa bophelo o 'motsa moo a eang le moo a tsoang. Joale o botsoa seboko ha a fumanoa hore ke Mokoena kapa Motaung oa tlohelo. Ha a re ke Mofokeng kapa Mohlakoana bee efela u oa haeso ha u le Mafokeng kapa Mohlakoana. Joale he o re re ntse re tsoma lihlole mona oa heso joale moeti a botse le tsoma le mang ha eka u mong tjee? Bee ba bang ba ea tla ba ne ba sa ithatsoa 'meleng kamono ka

nokaneng joale empa kea bona ke tla ba siea ka ha haeso  
ke metseng eane eo o tla e feta ebile ho mokete moo  
oa bashemane oa ho bolla kapa oa bohali kapa thojane.  
Moeti bee monna efela ke hantle ke tla ea le lona bee  
ke hantle e re ke bitse ba bang. Oa ba hoeletsa, ha ba  
fihla bee motho enoa banna ke oa habo rona ke Mofokeng  
kapa ke Mohlakoana. A re eeng hae a tsoe a ilo fumana  
lijo. E se e le ha e mong a mo pota ka morao eka oa feta  
a mo hlatha ka koakoa ba 'molaea ba ntsa tse batloang ke  
ngaka. Joale he hos sebetsoa eo ngoana morena ka litho  
tse ling tsa motho enoa.

end s 91